

欽定石渠寶笈續編

欽定石渠寶笈續編

第二十七

重華宮藏

皇上御筆書畫

御筆戡定安南復封黎維祁為國王功成班師之
記一卷

本幅蠟牋本縱一尺一寸五分橫五尺八寸
五分行書

戡定安南復封黎維祁為國王功成班師之記

安南內訌始末及命師為之復國重封之故
已見聯句之詩之序茲不贅記記功成班師事
宜曰安南雖南瀛小邦耶然亦有民人焉有
社稷焉且奉本朝正朔稱外藩者百餘年其邦
遭亂興滅繼絕禮亦宜之是蓋奉

天道也然彼邦之遭亂豈無所由且其據黎城而擅

號召者原非一姓也

安南自宋封丁部領為王其後黎桓李公蘊陳日煚

黎李群黎利莫登庸黎維潭遞相

則自古至今

篡奪六百八十餘年固非一姓

主中華而稱正統者率可知矣。雖乘除有命而興亡在人順。

天者昌逆

天者亡。呀。是不大可畏乎。黎城既復。嗣孫重封其陷。

於阮之土地。以次傳檄而定。孫士毅出關由諒

黎城復封黎維祁為國王。阮惠等已逃回廣南。舊藥所有安南境土除大兵攻克之太原處外。

宣光與化外其餘如海陽山南山西安廣各道俱經傳檄收復。現在如阮惠等所居之廣南原

為占城國地。並二阮窮蹙。竄歸廣南。廣南去黎非黎氏境。土地。

城又二千餘里是役也官軍裹糧以進設臺站以運不資安南一草一木而安南荒亂之餘亦不能供軍儲也官軍纔萬餘而臺站運糧之夫將用至十餘萬則勞內地知因護外小邦為之埽穴執醜而勞內地是大不可也且既已為之興滅繼絕則彼之竄寇應付彼平之夫以國家之加抵廣南執二阮亦優為之但權其輕重知止不殆佳兵不祥且安南亦一小邦也黎氏近

代以來鮮有能為自強之君或者

天將厭其德乎夫

天厭其德之邦而予助之則予豈敢出師以定亂班
師以知遇或者不違

天道而有合於王者之師乎是為記 乾隆己酉春
正御筆鈐寶二古稀天子之寶猶日孜孜

引首

御筆 師貞奉若 鈐寶一古希天子

鑒藏寶爾寫心寓意于物石渠寶笈所藏

御筆書安南始末事記一卷

本幅蠟牋本縱一尺一寸三分橫二尺九寸五分行書

書安南始末事記 春日齋居敬觀

皇祖御書心經張照等跋錄

御製戒之在得之諭憬然有悟因憶安南始末事為之記曰我

皇祖戒之在得之訓孫臣固建堂於避暑山莊其義

其事已見之前後之記矣。昨歲夏居山莊。因有緬甸歸順之事。不無為之喜。無何而有孫士毅復黎城封黎王之奏。則又不無為之喜。夫喜者懼之對也。懼則若有所失。喜則無所更慮。若有所失。心不敢放。無所更慮。心或放乎。緬甸歸順。無過宴齊山莊事則已矣。安南之事。雖云復其城。封其王。而其兇首未擒。弗屑費中國之加為藩國。掃蕩擒渠。因降旨班師。使孫士毅速遵旨。

班師即逆允復擾黎城則固外藩之事變亂無
常亦不屑每問之乃孫士毅駐彼逾月以待或
有所擒獻而又未曾謹設防以致逆允席捲而
來我師倉卒與戰遂有所失而提鎮三面同以
致命幸而孫士毅全師以歸尚不致有傷國體
然而赫濯威重實不無少損焉夫興滅繼絕弗
利其土地臣民此非欲得也然而得其名與得
其實同之安南之事予果無得名之意乎喜而

忘懼謂之能戒可乎故予不咎孫士毅之貪功
久駐失防致損威重而自咎予之未能體

皇祖聖訓戒之在茲書以誌過抑亦慎守此志於永
久弗替云爾 乾隆己酉季春御筆鈐寶二古
稀天子之寶猶日孜孜

引首

御筆 闡謨誌惕 鈐寶一古希天子

鑒藏寶璽 養心殿寶五福五代堂古希天子寶八

徵老念之寶寫心寓意于物用筆在心已同
春石渠寶笈所藏

御筆再書安南始末事記 一卷

本幅蠟牋本。縱一尺一寸四分。橫五尺八寸。

行書

再書安南始末事記 今春書安南始末事記
者不在悉自昔安南事之成敗而在識予畫安
南事之喜懼大端已見前弗贅茲因孫士毅陞
見熱河而此事亦去歲駐茲所經理也故識其
詳而書之。蓋黎維祁之庸昏孫士毅之失算以

致阮惠復據安南向固言之詳矣

黎城初復使黎維祁果奮

發有為自能力敵阮惠使孫士毅早遵旨班師或預為設備亦不致阮惠率數萬衆忽至黎城而據之事固有相因而至者詳然使孫士毅即見向所作書安南始末事記

早遵旨班師而阮惠亦必復來是不過無傷我官軍之事耳但甫經興滅繼絕之藩國視其仍滅絕而弗救可乎則是師猶無了期也茲黎氏實因

天厭其德而自喪其國而阮惠以獲罪王朝震竦悔

過求降並請詣闕乞封

阮惠復據黎城自知罪過重大再三於孫士毅

處悔罪乞降孫士毅不為轉奏亦屬得體及福

康要到彼阮惠知易威望重臣勢必問罪益加

震悚送還留滯之兵額求未歲詣闕恭祝八旬

萬壽因以乞封並先遣其姪阮光顯於今歲萬

壽前來山莊乞加恩宥權其輕重既於國威無

損且於事機有合不為已甚子宿志也蓋黎氏

既為天所厭而中朝與其再興兵役何若

允其請封以成此息師安眾之美然此皆

上蒼眷佑予躬不斯則不勞師而寧眾與封黎

明而臻此大順耳

氏無異若夫一提二鎮捐軀行陣國家酬庸自

有恒典朕且責其於安南立廟崇祀亦足以表

國家有勇烈之臣而自古死綏者或鮮其匹矣
壯士臨陳非死即傷領兵之臣所弗諱也若孫
士毅則總督而為帥臣也設亦如三武臣所為
則所繫國家威重者其事體大將不可止所嘉
者許世亨左右其間必令督臣全師而歸孫士毅當
阮惠復來時帶兵身衝行陣間許世亨力為勸
且使武弁控騎遙行必令督臣全師入關無
損國家威重世亨原捐軀異域實孫士毅原不
屬深識大體賢臣以此倍加嘉憫
欲生還既而納許世亨之正論寧全師振旅歸

開請罪。是皆以國為重。予嘉憫不已。不第不以
為非。而且以為是也。夫予臨御五十四載。經大
事屢矣。每以危而復安。視若失而乃得。即予自
問。亦不知何以臻此。所謂非人力也。

天也。

天之眷予者獨厚。不忍言報。惟恐弗勝。即此納降安
南一事。恐後人未悉輕重久長之至計。故復敘
而書之。乾隆己酉新秋。御筆。鈐寶二。古稀天。

子之寶猶日孜孜

引首

御筆 全師紀實 鈐寶一 古希天子

鑒藏寶璽 五福五代堂古希天子寶 八徵耄念之
寶 筆花春雨 卅有同春 含英咀華 寓意於物 石
渠寶笈所藏

御筆重排石鼓文並再題石鼓詩 一卷

本幅蠟牋本二幅前縱一尺一寸二分橫一
大一尺四寸行書

集石鼓所有文成十章製鼓重刻序

凡舉大事者必有其會與其時而總賴昭明

天貺以成其功武成九次無論矣即如四庫全書及

以國書譯漢藏經皆始於予六旬之後自癸巳年蒐輯

海內遺書並於永樂大典內採輯散編命館臣
依經史子集督繕四庫全書四分又佛經本出

尼納特克。一譯而為唐古特之番。再譯而為震旦之漢。其蒙古古經。則康熙及乾隆年間。陸續譯成。而未有國書之佛經。先於三十七年。亦命開館譯定。茲二事卷帙浩繁。俱非易於觀成者。乃皆在予六旬始命舉行。既而悔之。以為舉事已晚。初亦不覺其遲也。恐難觀其成。越十餘載。四庫全書則早叅攷。衰漢畢。以貯之閣。而所譯漢藏。茲亦將告畢。就此非

天恩垂佑。俾予雖老而善成。此二事乎。近因閱不鼓文。惜其歲久浸漶。所存不及半。夫以國學興賢。

述古之為。使千萬年之後。並此僅存者。胥歸無
何有之鄉。有治世之責者。視之而弗救。予且不
成為讀書之人矣。斯事體大。千古讀書人所不
能任。亦從無道及者。予故不作不文。及此未至
耄耄智昏。爰藏此事。蓋石鼓之為宣王時作。與
夫宜置國學。為萬世讀書者之津逮。自以韓昌
黎之見為正。車攻吉日之章。班班可考也。後人
議論

紛出如董道程大昌據左傳成有岐陽之蒐以為
為成王時鄭樵據豳公二字見秦斤泰權以為

秦鼓馬定國據後周書以為宇文鼓陸友仁據
北史以為元魏鼓總不若韓愈之見為正蓋即
本鼓之文取證小雅可信也若歐陽修集古錄
云韋應物以為文王鼓宣王刻今應物石鼓歌
具存明以為宣王何嘗有文王之說近者尚悞
況與論三代以上哉夫昌黎有其見而無其力
且未思及存其詩則予較昌黎為勝矣茲用韋
翰苑之例乾隆九年重修翰林院落成親臨錫寫以張說
東壁圖書府五律四十字為韻子賦東字及親
末音字二韻其餘勅諸臣各分一韻賦詩
定首章截其長以補後數章之短即用文中字
並成末章自第二至第九命彭元瑞按餘字各

補成章。非因難以見巧。實述古以傳命。於是石
鼓之文仍在。十鼓井井有條而不紊矣。舊鼓舊
文。為千古重器。不可輕動。但置木柵蔽其風雨。
以永萬世。而新為石鼓。以刻十章。並列國學。以
公天下。惠後儒。則仍周宣王之文也。熱河
文廟為歲歲惠遠。詰武之地。則亦命置之。以詔來
世。庶乎宣王中興之烈不泯。

宣聖牖世之道恒昭。而予及耄耄之年。尚得蒞此。

崇文之舉孰非會之萃時之合深蒙

昊貺之所致哉希周家卜世之久宅皇清重道之規

後世子孫尚慎念之是為序
避我車既工避

我馬既同避我車既好避我馬既駟
君子員

云遷二獵其旂麇鹿速
君子之求右一

八鳥凡二十廐廐猷音合衛道允戴熾佳維
尤字重文三

宣天子謂公述徒我其呂以闢田簡述徒連

甸眾除衍道具駕毆避我駿馭其亞帥避我弓

其射

右二

十八字凡三

亞車趨

起

省首車

遭

續

左驂駿

教

右驂駿

速音

其存變

若

反司馬相如大

其神

詳

君子其來

導

我鳴鑾

右三

八字凡二十

毆車趨

丑亦

也聲軟策馬趨

音衡導

彼

盤

原隋

大陟

陸彤矢

鐵鹵

弓

音其

存

洛音君子其來

右四

八字凡二十

造來

馳

音寺時余卅三

里余取鹿于茲六轡寫却止出

勿憂微霜霜或以時雨雨違原溼隰陰陽靈雷靈

帛泊華華遊藥天子之所右五
九句凡三十

其淵毆也孔深帛泊淖塗元洋滔二沔三

萬漫之一方其魚不識丞
 丞佳維鯽魚鯽魚

鯪魚音又極音又右六八字凡二十

其序改又多樹為榿校榿音械樸楊柳及桑

栗既氏松既柞如算葬如箸及年華及碩禽翰

翰適攸宮以寺時而乍作
右七十八句凡三

其違原孔庖獸直通宣寧處麋豕豮豚豚蜀諸鹿

鹿雉兔趙二音其臭古老也趙二音其虎左驂

馬親之大黃弓射之右八二八音凡三十二即

鹿又奔搏鹿又真填鮮籩蘊時百旨異胡音梅今作

謂之膊惟膜是申如天之高喜潘迪作嘉朱彝

說文秀覲藝員云乍作微二未詳庸二未詳即以寫

樂右九八凡三十安重文二迭徒駿取既射避我

馬飢載止用賢孔庖康二敕治田車既安日

佳維丙申用各為章害曷不永寧寧右十八

凡三十一字重文一乾隆庚戌正月上元丙申日御製

并書鈴寶三乾八徵耄念自彊不息後縱如前
橫三尺行書

再題石鼓 石鼓韓歌掘臼科弗知其意所云
何茲因考古十之質爰命圖真一有竅慨嘆曾
充春杵用傷形已閱歲年多言行國學歷珍彝
重道崇文功不磨 命圖十鼓形以來漫漶缺

裂。固數千百年物之常。其第十鼓平面。則鑿為大孔。圓徑一尺三寸。深一尺二寸。因恍悟。即昌黎之所謂曰科也。科者坎。坎者陷。非俗所謂曰窠乎。則昌黎之語。乃舉其實。而其為曰窠。自唐時已然矣。嗚呼。為此者。實庸愚小人不足罪。茲雖珍重護惜。以永厥年。安知數千百年之後。不復遭剝蝕割鑿之災乎。而重其文。以成十鼓之全。又非拘于形而泥于古乎。其幸在茲。其慎亦

在茲矣。庚戌正月上元後一日御筆鈐寶三。
乾八徵耄念自彊不息。

後隔水

御筆

重排石鼓詩得句。就石所有三百十字分排
十章並鑿成十鼓各泐其面。十什排成十鼓
咸崇文漫議創非凡。就其本有差鱗次弗以所
無為雁譏。潘氏迪詮詳尚可取。楊家慎偽作概

從茲拈題既復張然笑。那禁千年後削剗。庚戌新正月中瀚御筆。鈐寶二。八徵耄念。自彊不息。

後幅重摹

御定石鼓文

篆款臣趙秉冲奉

敕敬篆鈐印二。臣趙秉冲筆沾恩雨并。臣工恭跋。

臣等伏惟古昔盛王有大典禮大政事則必播之詞詠形諸金石以垂無窮後有聖人作損益億禩進退百王修廢舉所以述前模而鏡治道也。太學石鼓者周宣王中興鉅烈。

開明堂會諸侯舉大蒐。鑿石作鼓。堯駿垂鴻。雖史不紀。蒐岐陽之歲。自其初元。距今二千。五百有九年矣。中更抵曰陳倉之野。填金汴。宋之閣。歸金泉元。始置國學。四百七十有八年矣。其時國子司業潘迪撰音訓碑。今在鼓旁。僅存三百九十九字。明楊慎乃造為七百二字。全文。其集復云。六百五十七字。以矛攻盾。作偽無疑也。其書史籀作自班固藝文志。載史籀著大篆十五篇。厥後許慎應劭衛青江式。王愔韋續李賢唐元度自漢迄唐皆遵此說。宋董道始疑之。至程大昌遂以大篆未必起于史籀。道大昌皆以鼓為成王時。即不得。不疑書非史籀。隋志有云。古今書凡五變。一古文。二大篆。三小篆。四隸書。五草書。源流甚明。且韓愈云。字體不類隸與蝌。隸舉其後。蚪舉其前也。蘇軾云。當年籀史變科斗。蓋始

變而當時行用也。傳大昌生南宋時。鼓已入
金目所未見。論說安足據哉。洪惟我

皇上右文重道。考古憲典。既成
辟雍。以復三代之制。復

核石鼓。以訂三代之遺。

命工拓呈覽。則今所存較迪時復縮八十九字矣。夫石鼓

為雅頌之西詩三百篇。自文王伐密伐崇。外
誅武功者。惟宣王特盛六月采芑。江漢常武
諸篇。鏗鉤震耀。究所以成此功者。車攻吉日

皇上秋獮。木蘭自辛酉至己酉。凡冊次矣。

惠遠詰戎親御騎射効解

頒獲進宴賜食。蒙古諸藩拜觴上壽。降人貢使預觀。羨服故

能九奏刻石西極之西勒銘南溟之南視宣王

之功北不越太屬南不越江淮不啻倍萬過

皇上奮武之訓也詠石鼓者寓古垂型則我

比義城賤部鼎而俗鴻都至沐浴以告願置

太學雖祭酒妍嬰不聽乃自唐元和元年至

元皇慶二年閱五百八載而其言終得行愈

之見卓矣然數索駝尚不能致况大厦深簷

乎如愈之說僅得免礪角駝火至年運而往

皇上重念三代法物珍重護惜蔽以繚塢露以虛

御序重摹十鼓文仍宣玉字仍史稿既成以置太

學門南及熱河

發又廟每歲初行園之地俾千萬世知石鼓文在

大清乾隆五十五年現存字凡三百有七重文

二十有二觀者意解誦者心記以廣韓愈之

見而絕楊慎之厲企戟門而游園水凡有周

器庭有周文用仰副

宣聖靈鑒懷西歸之音篤從周之志道光章煥

則我

皇上揆文之教也臣等虔瞻快讀預次音訓獲附

諸生之磋切講解誠喜誠幸抑思宣王當周

八世之後在位僅四十六年始雖憤起終未

極盛

皇上運膺下武德茂秉文

沖齡十二即承

歡隨

八表而成此盛舉當

大慶昌辰上元吉日丙叶離明申符異命維言不

朽維石得壽無

天無極矣德位時以議禮制度考文卜年卜世與

初拜手稽首恭跪鈐印二臣沈初內府供職

引首

御筆 文存石壽 鈐寶一八徵耄念之寶

鑒藏寶璽五福五代堂古稀天子寶八徵耄念之

寶繪月有色水有聲觀書為樂吟詠春風裏學

鏡千古已有同春用筆在心墨雲朝日輝寓意

于物筆花春雨含英咀華天地為師涵養用敬
扇以淳風見天心水月兩澈明垂露保泰寫心
半榻琴書研露樂意寓靜觀化工四氣為全施
人情為田至味寓淡泊烟雲舒卷石渠寶笈所
藏

御筆涇清渭濁紀實 一卷

本幅蠟牋本。縱一尺一寸三分。橫三尺七寸六分。行書。

涇清渭濁紀實。陶淵明讀書不求甚解。嘗不
題其言。蓋彼以隱居放言之人。則可。稽古考經
之人。已不可。而況作君師司政治者乎。故於勅
幾熙績。必不肯置疑。似兩可其間。而於考經稽
古。益必求其至當。近賦心鏡詩。因用邶風涇清

渭濁事。以詩義觀之。則涇清渭濁也。而朱注則
以為渭清涇濁。大失經義。夫以者何。因也。涇以
渭濁。可知涇本清。而因渭濁。如左以右累。是左
者因右而受累。賢以邪累。是賢者因邪而受累
也。伊洛以河渾。是伊洛本澄。入黃河而為渾流
也。如是者。原不可倖指數。而朱子則讀書明理。
何乃顛倒涇渭之清濁。一至此乎。然此非獨朱
子誤也。蓋鄭康成箋。本謂涇清渭濁。
鄭箋云。涇水以有渭。

故見渭濁。是康成明言渭濁。不言涇濁。其以為
涇清可知。自唐陸德明孔穎達諸人因之沿訛。
而經意自唐時始因誤解鄭箋而顛倒其說。其
遂失。後人主出奴。紛如聚訟。益不可考。朱子因訛傳
訛。後人更不敢議其非。余細繹以字之義。定當
謂涇之清因渭而濁為是。然余亦不肖遂以為
是。爰命陝西巡撫秦承恩身至二河。自甘省入
陝省之源。辨其清濁。今據具摺貼說呈覽。實涇
清渭濁。於是余之疑始解而心始安。因命附錄

承恩之摺于後。以誌其詳。設有人議承恩遵旨
為遷就曲說者。可親至承恩所至二河。自甘省
入陝省之源視之。則是非顛倒立辨。朕當治承
恩之罪。不怙過也。讀書明理。豈易言哉。遼書
此卷至鄭箋云。涇水以有渭。故見渭濁句。恍然
有悟。設如於渭字下增一而有字。易為
入字。明曰涇水以入渭。故見渭而濁。何等直截。
則其本意易明。亦無唐宋以來之紛如聚訟矣。

千載注疏家。似此者亦多矣。豈能一一正之。擲
筆輟然。附錄於此。乾隆庚戌季春。御筆。鈐寶
二。八徵耄念之寶。自彊不息。

後幅

御製西安巡撫秦承恩覆奏涇清渭濁實據詩以
誌事一韻二首。近因詩中用邶風涇以渭濁
事。玩以字義。自當作涇水為渭水所濁解。乃朱
注則以為渭清涇濁。心疑其誤。而泥其說者不

免耳食。因命秦承恩親履二水。由甘入陝之源。究其實在情形。茲據覆奏。辨析甚明。果為涇清渭濁。既詳著紀實文。并附錄承恩原摺。因再成是什。以誌攷古訂譌之意。撫臣親履勘二水

別分明。

秦承恩奏稱涇水發源甘肅平涼縣并頭山。東流至長武入陝西境。又東至高陵入於渭。渭水發源甘肅渭源縣烏鼠山。東流

至隴州入陝西境。又東至高陵與涇會。其地即禹貢之渭汭也。遵旨馳赴該地。并沂流至長武隴州自甘入陝之源。確加察視。二水入境及合流處所。實在涇清渭涇。暫有時濁。又稱涇水係濁。會同具說覆奏。

常清。惟春雪初消。夏雨暴漲之時。各溪澗集。衝激奔騰。河流暫致渾濁。十數日後。水退泥澄。清駛如故。至秋冬更為澄澈。渭水則係沙底。水渭挟沙行。四時常濁。從未見有清澈之日。等語。渭恒無日清。暫賓自非實也。涇清恒主合當名也。渭濁

格物致知要問。朱可力行。絜矩於為政。益當

衡鑒明。偽清乃誠濁。祛濁始真清。兩可寧稱實。

一成要正名。那能不求解。惟是勉躬行。附秦承

恩覆奏摺款。乾隆庚戌季春月。臣董誥奉

勅敬書。鈐印二。臣誥又淺設色畫渭涇二水入陝

西境所經郡縣由合流至入黃河處款。臣董誥恭畫。鈐印同前。

臣秦承恩上言。謹查涇水發源甘肅平涼縣并頭山。東流至長武縣入陝西境。又東至高陵縣烏鼠山。陵縣入於渭。渭水發源甘肅渭源縣烏鼠山。東流至隴州入陝西境。又東至高陵縣。臣遵奉諭旨。即馳赴該處。并沂流至長武隴州等處。確加察視。查得涇水一道。約寬一二十丈。不等。入陝後。并支流一十有四。現在桃汛初過。水勢漸濤。其流與江漢諸川相似。渭水一道。約寬七八十丈。不等。入陝後。并支流三十有三。現在桃汛初過。水勢仍渾。其色與黃河不甚相遠。在合流處。則涇水在北。渭水在南。涇清渭濁。

濁。一望可辨。合流以後。全河雖具渾濁。然近
北岸數丈許。尚見清泚。過此七八里外。清濁
始渾。而為一。隨傳兩河船戶。及倚岸居民。詳
細詢問。僉稱。涇水係石子底。四時常清。惟春
日雪消。冰泮。及夏雨暴漲。時各處溪流匯集。
衝激奔騰。以致河身渾濁。遠與渭水無別。十
數日。水退泥濘。仍復清駛。如故。至秋冬間。更
為澄澈。水底石子。一一可數。又問。遇渭水盛
漲。倒灌入涇。口內六七里。亦皆渾濁。然傍
岸處。仍係清流。渭水係沙底。水挾沙行。四時
常濁。從未見有清澈之日。並據稱。涇河當水
靜時。可以隨汲隨飲。渭河則無論四時。必須
澄清。然後可飲。等語。臣隨遣人探試。涇水實
係石子底。渭水實係沙底。並於二水急流處。
各取水澄之。涇水一石。澄渾三升許。渭水一
石。澄渾斗許。臣查勘既確。復又恭讀。

聖諭

並取詩意。釋之。在作者。明以潔清自喻。言涇水本清。自入渭以後。不得明。以潔清自喻。然其清處。自在。故下句接云。湜湜其沚。許慎說文。湜。水清底見。若本體既濁。安所得湜。湜者。耶。謹按。毛亨傳云。涇渭相入。而清濁異。語意渾融。初未言二水孰清孰濁也。鄭康成箋。涇水以有渭。故見渭濁。雖語意不免與曲然明言渭濁。不言涇濁也。是漢以前。本無涇濁渭濁之說。唐初傳本。乃以鄭箋內。故見渭濁。為故。見謂濁。始欲以濁屬浮。陸德明釋文。定為後人所改。而又云。涇濁水。渭清水。殊與箋意未合。孔穎達因之。直解為故。見其濁。而經意愈昧矣。然竊揆其致悞之由。蓋亦有故。漢書溝洫志。涇水一石。其泥數斗。夫一石之水。至有數斗之泥。誠不得不謂之濁。既以濁屬浮。自不得不以清屬渭。是以潘岳西征賦。即有

清渭濁涇之句。而唐人解經亦多因此而悞。不知漢書謂其泥數斗者。特舉當時所利而言。言其衡激之一時也。谷風謂湜湜其汙者。專取潔清自喻。言其澄澈之本然也。凡水當恭。漲時無不立見。渾濁。江漢且然。何獨於涇而加以濁名乎。查陝西通志載明李修廣惠渠議。引古碑云。四月月閉。涇口防濁。水淤渠。七月。啓涇。以引涇水灌地等語。可見涇水當四月後。七月前。始間有濁時。餘則恒清。秦漢時河高。渠下。引水甚易。故利其濁。不取其清。唐宋後。河下。渠高。防有淤墊。則又引其清。而拒其濁。渠水為民間衣食之源。以時啓閉。垂諸甬石。千萬人所共遵守。以視經生之曲說雷同。又士之陳言勸聚者。洵為確然可據。至渭水之濁。前人有固罕言之。然蘇轍詩。如袞袞河渭濁。外尚有渭水帶沙渾之句。轍少遊秦中。

其明言渭濁見於吟咏者不一斷非率爾探
觚又寶雞縣志有云邑南諸川半發源於秦
嶺其注漢者清則同清注渭者濁則同濁又
渭自隴州石門來逕縣南入岐山境尋其源
委無所謂湜湜其汴者而許願云渭以渭濁
何也等語雖一邑專志未能于涇渭清濁之
間詳加考正然以守土者紀其本色山川亦
明指渭水為濁則其言益足徵矣伏思唐人
說經類多拘泥總因墨守舊聞遂致有乖經
義今就止所目驗泰攷碑乘博詢土著居民
涇水實清渭水實濁毫無疑義但谷風一詩
佔畢者童而習之率皆因仍舊解莫有知其
非者我
皇上萬幾餘暇偶一
指示遂正千古相傳之誤臣學殖淺陋無能仰贊
高深紉緘再三不勝欽服所有臣查看過涇渭二

水合流處所寶在澄清涓涓情形謹繪圖貼

御覽謹奏

引首

御筆探源訂誤。鈐寶一。八徵耄念之寶。

鑒藏寶璽五福五代堂古稀天子寶。八徵耄念之寶。養心殿寶。懋勤殿寶。正有同春。朝日輝。用筆在心。人情為田。見天心。研露寫心。寓意于物。墨雲。半榻琴書。古希天子。石渠寶笈所藏。

御筆墨雲室記并李廷珪古墨歌 一卷

本幅宣德牋本。縱一尺一寸。橫八尺七寸五分。

御筆 澤古怡情 鈐寶一。五福五代堂古稀天

子寶。水墨畫李廷珪墨式正而。上有金書翰林風月四字行

書

墨雲室記 畢沅進古墨一方長盈尺博二寸厚十分寸之二。匣刻晁氏記。以為僧法一所藏。

南唐李廷珪之物。夫既為物矣。玩物喪志。一言皆可以槩之。而有不然者。蓋古之物樸於今。今之物華於古。尚樸屏華。孰謂蹈喪厥德之失。而況文房之器。繼往昭來。漱六藝之芳潤。其視珍他玩者。為有間矣。墨之形之膚之款之。賈晁氏言之詳矣。茲弗贅。獨其體刻為雲。而晁則未言及之。夫雲能致雨。墨生筆花。發為文。其與春膏之澤被萬物。何以異哉。予揖築養性殿於寧壽。

宮以為倦勤後寢興之所。其義已見向年之作。而其清溫室宇一如養心殿之式。養心殿西暖閣之溫室。昔名之曰三希堂。未可移之於養性殿而名之也。茲適得此古墨。即可以墨雲名此室。蓋三希為內聖外王之依仁。正符養心。墨雲為含英咀華之游藝。適合養性。爰記其實如右。並為之圖。命諸臣各以己意和之。不必拘體賡韻。亦西清一段佳話也。

李廷珪古墨歌 黑玉一方長尺詎玉堅自是

墨為脆具王之堅墨之良布珍覩此廷珪製五

代至今近十年法一所藏晁氏記李廷珪墨一

二寸厚十分寸之二匣而正也錫有唐廷珪墨

寶宋僧法一珍藏十二字下錫識語云晁具茨

贈法一詩論其形有曰上人廣交得奇物有墨

尺度如圭長論其膚有曰百年相傳文斷磬仿

佛尚見蛟龍背論其款有曰小書細字識名姓

黃金照曜或團龍論其價有曰老儒偶得實天

章千金更買無由逢詩載晁集八十七字按宋

見沖之字叔用受知於後山呂居仁江西詩派

與馬二十五人沖之其形膚款及其價次第摘詞

紀詳細翰林風月辨依稀偏體濃雲釀雨意墨

有金書翰林風月四字依稀可辨今春甘澤利

農功今春自京畿以及山東山西陝西河南江

雲南等省俱節次奏報雨澤較之往年倍覺優回氏有靈佑佳瑞炎劉韋誕徒傳名魏九晉

螺誰則識東坡茶墨曾品論德操胥同譬良如

叶檀匣錦囊重弄藏龍賓那忍萍妃試既而自

惕且自笑旅葵玩物稱德累寶賢不用寶何為

絮矩過存增愼愧乾隆辛亥季春御筆鈐寶

四。天恩八旬八徵耄念八徵耄念之寶。自強不息。

後幅臣工敬題

奕氏唐餘舊新安質本堅製精從易水香古
發松烟煤麝藏來好。喻麋賜久傳。豹囊珍裝
貯。禮匣識詳鐫。風月看金粟。螺丸想木天。光
華凝徑久。潤澤閱多年。

游藝宜溫室。如膏被硯田。臣和坤敬題。鈐印二。

屏紋初未珍。車載塗相國。宣和世已希。黃金
購不得。物遇亦有時。至寶豈終匿。一遊
睿鑒真。司光煥圭璧。重以

天藻題墨雲顏
溫字敬於六藝若被彼萬物濡目王杰敬題鈴印

二。王杰之印
黃金可得墨難得矧復于今七百年研潔泉

冊府雲生牖用必

宸章氣燭天澤物昌文慎所好
義涵一室微中為彭元瑞敬題鈴印二。馬瑞

墨官精製佐禪觀具次山人譚什集紋作革
韓點點漆珪郵那辨玉與邑風塵一旦邀

拂拭金壺不磨示愛惜

天題珍弄

墨雲雲雲湯臺瑞沛春澤陋彼批風更抹月
墨矩慎思寓小物活雲

養性壽驥畧臣董誥敬題鈴印二。臣董誥印載筆
紋如尾質如玉南唐墨官吳氏獨澄心珍製

天子含負。臨池綠雲。浮紫光。瀟灑春郊。霖雨布。

幾餘游藝。審作聖孫。具于內。萬物正。龍香雲氣長。

皇養性壽萬年。日華沆散題鈴印。二臣沅。

神守四氏法。傳易水。曰珪承趨先。奚後李王。

蘊古昭德。中有妙旨。雲耶墨耶。讓雨開古。

志喜臣金士松敬題。鈴印二。臣士松。

主方欽州製古尺度。晁氏詩傳佳勝印香一。

契懷緋几。墨雲滿起。沈初敬題。鈴印二。臣梁翰。

十載延珪墨題傳法一珍松心凝似漆寶氣
護龍宮黑玉叨

宸覽

形全磨未嘗獨留圭角存不與世模稜昔日
留車載於今裝錦囊間然常守黑澤古靜生

香曰王保敬題鈴印二臣敬書

一點漆百年石製廷珪價城璧贈者儒寶之

精犀一角龍雙脊鐵喻操玉符德品如素守

其黑雲膚寸澤下尺吐紫光絢副墨臣吳省

蘭敬題鈴印二臣珥筆

黑雲盈尺結松烟紋隱蛟龍古玉堅間說和

膠真不泐豹囊深護一千年

天章

史使秘珍傳彩筆生花墨雨鮮

觀物

因之思絮矩臣阮元敬題鈴印二臣元

宸衷

何事不乾乾臣阮元敬題鈴印二臣元

奚李品分甲乙主却名著異同一笏拜經潘

谷當時已謝難逢法一寶藏弄匣具茂珍重

題詩古墨十年是保
大雲萬物咸宜。臣趙秉冲敬題鈴印二馬冲

鑒藏寶璽即事多所欣筆花春雨石渠寶笈所藏

御筆風馬牛說一卷

本幅蠟牋本縱一尺一寸二分橫二尺九寸

行書

風馬牛說 齊桓伐楚楚子使與師言唯是風
馬牛不相及孔穎達正義注以為風放也牝牡
相誘謂之風嗟夫是何言耶直以淫俗語誣經
傳且於齊楚之遠不相及何涉更引尚書以為
證其去益遠蓋乾為馬馬性剛坤為牛牛性柔

馬性剛。故其立與馳悉迎風。牛性柔。故其立與馳悉順風。一迎風。一順風。是不相及也。注疏家本不曾習見馬牛之性。不得其辭。遂引尚書馬牛風逸為之說。而不知其逸。正所謂迎風順風之不相及也。偶閱左傳。故申其說如是。及博閱諸書。見宋俞琰席上腐談。頗於予意有相合。故並載之。俞琰席上腐談曰。牛順物。乘順風而行。則順。馬健物。逆風而行。則健。書費誓云。馬

牛其風。春秋左氏傳云。風馬牛不相及。蓋馬牛奔逸。則各自從風而行也。乾隆辛亥清和御筆。鈐寶二。八徵耄念之寶。自強不息。

引首

御筆。訂誣格致。鈐寶一。八徵耄念之寶。

鑒藏寶璽。石渠寶笈所藏。

御筆正陽橋疏渠記 一卷

本幅蠟牋本。縱一尺一寸九分。橫五尺八寸。

四分行書

正陽橋疏渠記。正陽門外之石衢。抵正陽橋。橋之左右。市廛櫛比。允帝王都會。萬方輻輳之基也。橋之南為天橋。其南石衢直達永定門。則答陽黃道。蕩蕩平平。會極歸極之宗也。衢之左為

園丘

祈年殿之西外圍垣。右為

太歲壇

先農壇之東外圍垣。各有石衢二。橫接圍垣之南
北門。為詣

壇輦路。蓋地勢東高而西低。故石衢之西恒積水。
而東之沙土。常因西北風吹壅西垣之半。每詣
齋宮。怵弗愜觀。

上辛祭畢。爰命司工於天橋南石衢之左右。自北而南。各疏渠三。第一渠長各一百六十餘丈。寬北各三十餘丈。南各二十丈。第二渠長各一百三十丈。寬各二十丈。第三渠長各五十五丈。寬各二十丈。深各三尺。其四達

壇之橫衢。命各闢土道。寬二丈。以為往來車路。並

各去其向禁人行之木柵。東西詣壇之橫衢。四舊設木柵。以禁行。

人往來。蓋地近壇塢。理宜嚴肅。而重車皆由正石衢。以行。易致石甃。今石衢左右。既開廣渠。

且各留土路。是四橫衢之南北。疏渠之土。即簣
皆有界限。木柵亦可以不設矣。疏渠之土。即簣
為渠岸之山。週植以樹。無培行車之土路。於是
渠有水而山有林。且以禦風沙。弗致堙

壇塢。一舉而無不便。向來南城井多苦水。茲胥得
飲渠之清水。為利亦溥。而都人士之游涉者。咸
謂京城南。恆觀瞻。增佳景。然予之意。原不在此
也。潔

壇垣而欽。必祀。培九軌而草萬方。協坎離以亨。既

濟

郡城南為陂。倂今開濟水渠。坎為水。坎是為水火既濟之象。亨之道也。

奠經涂

以鞏皇圖。其在斯乎。其在斯乎。故不待考工之請而為之記。亦合向之知過論所謂不可已者。仍斟酌為之義。值此耄齡。復得歲一大工作。孰莫非

吳蒼鴻貺欽承。開國家萬年有道之長也哉。乾隆

辛亥仲夏御筆鈐寶二。八徵耄念之寶。自彊不

息。

引首

御筆。鴻規致潔。鈐寶。一八徵耄念之寶。

鑒藏寶璽。五福五代堂古稀天子寶。八徵耄念之寶。寓意于物。用筆在心。寫心。人情為田。正有同春。即事多所欣。石渠寶笈所藏。

御筆德日新室示志二律一卷

本幅粉牋本。縱一尺七分。橫五尺四寸五分。
行書。

敬勝齋中室。久名德日新。

祭迴福酒飲。節宴歷年循。陡憶下車語。益增一意寅。
五言因示志。奕葉守毋竣。翠管華燈下。依然
不敢康。王臣塞遙憶。師旅苦那忘。卜夜逸深戒。
聽歌韻切商。陽春如有腳。三捷遞飛車。壬子

新正中泮室中示志二律。御筆。鈐寶二。八徵耄
念之寶。自彊不息。

引首

御筆。敬德延祺。鈐寶一。八徵耄念之寶。

鑒藏寶璽

八璽

五福五代堂古稀天子寶。八徵耄

念之寶。正有同春。用筆在心。見天心。含英咀華。
落花滿地。皆文章。石渠寶笈所藏。

御筆反蘇軾超然臺記說 一卷

〔本幅蠟牋本。縱一尺一寸五分。橫二尺九寸。〕
行書。

反蘇軾超然臺記說。蘇東坡超然臺記。千古
奇文也。而予欲反其意。其亦有說乎。蓋此記之
語。以遊於物之外為最要。而予政以此語為未
臻。夫天地大矣。而人立乎其間。以配之。人之在
天地之間。大而言。不啻恒河之一沙。小而言。不

當太倉之一粟。然人能配天地者。豈不以一心
乎。而一心之在一身。又不啻一沙一粟矣。夫此
一心。在內乎。在外乎。遊於物之外者。目而已。目
更心之所使。孟子所謂萬物備於我。非備於身。
乃備於心。且遊於物外者。物以萬稱。豈能一一
窮其理。天地亦物也。孰能遊其外乎。況內本也。
外末也。遊其外不遊其內。是捨本而逐末。捨本
逐末。爭民施奪。其為物有以蓋之。

用蘇軾
記中語不已

甚乎。故予以爲應遊於物之內者。謂遊於心也。天地我心。萬物亦我心也。心一而已。無殊無同。無人無我。而要之亦無所謂遊。夫如是。則天地萬物。一氣一理。又何用其放意肆志。無所往而不樂哉。六齡讀大學。稍識正心之本。長而見東坡此篇。喜其識高而詞雄。茲耄耄矣。乃悟雄高之無用。不如求正心之本。以會天地萬物爲一體。勤學七十年。然後爲反東坡此篇之文。以待

後之勤學者反予此篇之文也。乾隆壬子仲春御筆。鈐寶二。八徵耄念之寶。自強不息。

引首

御筆。內心超詣。鈐寶一。八徵耄念之寶。

鑒藏寶璽五福五代堂古稀天子寶。八徵耄念之寶。寓意于物。衆花勝處松千尺。叢雲墨雲石渠寶笈所藏。

御筆畫松 一軸

本幅宣德牋本。縱二尺七寸五分。橫一尺三寸五分。水墨畫虬松立石并題。

松鍼出石縫。菁葱三寸許。非人巧能種。造化生
幾煦。然而豈無因。松落子著土。歷之以春秋。潤
之以露雨。固云天所養。亦緣自所處。常謂冊人
畫拱把斯未睹。待作老龍鱗。五言仍此法。右
題松鍼一首。並寫此幀。書其上以識歲月。壬子

仲秋御筆鈐寶四。八徵耄念。自強不息。天地為
師。摘藻為春。

鑒藏寶璽古希天子。八徵耄念之寶。石渠寶笈所
藏。

御筆昔昔鹽二十首并圖 一冊

本幅宣紙本。二十一對幅。每幅縱八寸。橫五寸七分。行書首幅。

御製詩序。以下左。白描界畫本詩意。右詩各一首。

昔昔鹽二十首。卷有在昔吏部挾華聲。騰六代。

渭尉廣藻體。擅三唐。風人之意斯深。樂苑之傳有自。故夫驚笙鳳管。多吟離別之聲。蓋以雁塞龍沙。鮮有歡娛之地。忠恕者必有感矣。窮黜者

得無懼乎。依道衡之往作句。以為題效。承祐之
廣章詩。仍其韻。哀而不傷。闕雖是矣。泥而不滓。
離騷有焉。惟是幾餘遺興。匪爭詩客之長。亦曰
即景成吟。曲體下民之戚。云爾。鈐寶二。乾隆。

十條臨翠陌。百結鎖芳閨。已恨鶯春老。那堪烏
夜啼。牽情籠洞戶。弄影拂迴隄。折得曾相贈。玉

闌西復西。

右垂柳
覆金陽

繡戶簾幄捲。文階卉任蕪。故

知非浪子。有學見金夫。樹草空傳背。眠鴛得未

孤中阿蘼布濩長短自相殊

右蘼蕪葉復落

品格全標

秀鉛華盡洗濃葉為雲繖
菰水是鏡芙蓉屈子

文相契陳王賦不逢試看芳沼溢
江海定誰徙

右水溢芙蓉桃李無言倚成蹊
有相去聲依何緣覓侯

印常獨理鴛機月下蕭條色
風前落莫飛明春

須爛漫遠客想應歸

右花飛桃李蹊

陌上採桑女羅敷

本姓秦不觀方渙消寧棄載陽春
雅淡誰憐舊

遠揚亦愛新彈箏趙王悟豈是薄情人

右採桑秦氏名

郎是治長罪。儼非蕩子妻。循環詩疊恨。伊軋淚

交啼。織錦傳心苦。流沙望眼迷。行雲漫相擬。終

不任東西。右織錦消瘦移鸞帶。淒愁對博山。書

沈白狼信。竹倚女英斑。不識歸來日。仍如未別

顏。流黃明月照。夜夢會逢還。右閩山海燕雙樓

好。盧家堂獨空。帳寒金麥穗。衣疊玉屏風。淡月

朦朧際。涼颼習瑟中。含情難自遣。欲訴有誰同。

右風月從軍人萬里。突將號無前。顧影羞臨鏡。

守空閨。

何心舞向筵。一舞徒自惜。尺素竟誰傳。傾國空

閒古。黃金漫費千。

右恒飲千金笑

鈞緇將熨貼。重疊粉

痕啼衣寄愁鴻北。心飛到隴西。背彈溫冷被。獨

攷守空閨。懊惱燈花暗。多因珠雨迷。

右長垂雙玉啼棄

置溫臺上。塵生懶重看。蟾光空獨照。龍影鎮雙

蟠。繡帕風微拂。金猊篆欲殘。步檐睇孤月。不覺

露闌干。

右蟠龍隨鏡隱

花鳳當年繡。雙雙尚舞帷。誰知

從別後。此意竟成欺。春曉羞開處。秋宵靜掩時。

將心還自問。何日是終期。右彩鳳逐帷低三匝無堪託。

一心誰共論。翻憐寒夜鵲。同是易驚魂。玉塞山

千疊。銀河月半痕。豈因慣燒腦。終是不忘恩。右驚

魂同假寐敲冊枕。飛魂出繡閨。即今愁過雁。憶

昔賦鳴雞。兩字刀環絕。雙痕玉筍啼。臆情恒似

醉。非為酌東西。右倦寢聽晨雞未讀東山詠。蟪蛄宛戶

前。憐他絲百結。似我念空懸。映日纏綿影。因風

左右牽。瑤窓勝錦瑟。餘得幾條絃。右暗牖懸蛛網海燕

雙飛去。應羞人獨啼。幾星珠點落。一對羽衣低。

長惜形依影。徒聞絮著泥。將刀分比翼。難遣各

枝棲。

右空梁落燕泥

孤城界北代。書尺幾曾經。前歲中

餘血。今年草又青。珠釵鬆露髻。翠帔冷雲屏。夢

到征人畔。霜髻不忍聽。

右前年過代北

聞道新移戍。寒

冰更渡遠。只思分袂苦。那憶畫眉嬌。雪後遶風

勁。霜前塞樹彫。想君回首處。雲嶺隔迢迢。

右今歲往

西。記得分離日。相期不日還。如何一契濶。長此

望邊闕。條脫歌筵冷。步搖舞席間。便令重會面。

非復向時顏。右一去還高吏部錦心麗。山陽綺思淒。

效顰終覺醜。得免亦忘歸。紫塞安畊鑿。清時息

鼓鼙。偶然懷繾綣。吟倚畫檐低。右那能惜馬蹄每幅分

鈐寶。寓意于物。朝日輝。得象外意。烟雲舒卷。游

六藝園。研露即事多。所欣如水如鏡。漱芳潤。垂

露寫心。比有同春。水月兩澈明。墨雲人情為田。

生秋庭。用筆在心。千潭月印。天地為師。筆端造

化至味寓澹泊意在筆先和順積中執兩用中
見天心幾暇臨池成性存存几席有餘香妙意
寫清快清吟寄遐思乾隆

鑒藏寶璽石渠寶笈所藏

御臨列朝人書十二種 一冊

本幅襍色粉牋本。十二對幅。一橫幅。縱六寸六分。橫八寸。八月九日。芝白府君足下。不為秋涼平善。廣果彌邁。想且無違。前比不逐西行。望遠懸想。何日不勤。捐棄漂洗。不當行李。故遂簡絕。有緣復相問。飡食自愛。款。

臨張芝九日帖。鈐寶二。乾隆宸翰。幾暇臨池。二。縱一尺二寸五分。橫七寸六分。今欲出。

耳。吾此月亟遣。廿四是王濟祖日。欲必赴。卿
可剋過。明吾當下解相待。臨書亦遣報。既至
王家畢。卿可豫檄光公。令作一頓美食。可投
其飯也。王珉相報款。

臨王珉美食帖。鈐寶二。鑑古會心不遠。三。縱
一尺五寸五分。橫九寸八分。頓。州民衛瑾。
惶恐。中闕音敬。望想想懷。在外累年。始爾得
還。情甚踴躍。且至三十里上領節度。明日乃

入。奉說欣承福祚。自白不見。璿惶恐款。

臨衛璿音敬帖。鈐寶二。觀天地生物氣象。情賞
為美。四縱一尺五寸一分。橫七寸五分。

茫茫上天。降祚有漢。作基開業。人神攸讚。五
曜宵映。素靈夜歎。皇運來授。萬寶增煥。歷紀
十二。天命中易。西戎不愼。東夷搢逆。迺命上
將。授以雄戟。桓桓上將。寶天所啓。允文允武。
明詩閱禮。憲章百揆。為世作楷。昔在孟津。惟

師尚父素旌一麾。渾一區寓。蒼生更始。移風
變楚。傳伐獫狁。至于太原。詩人訶之。猶歎其
艱。况我將軍。窮域極邊。鼓無停響。旌不整蹙。
澤沾遐荒。功銘鼎鉉。款。

臨隋人書史。孝山出師頌。鈴寶二。保泰。進德修
業。

五圓幅。徑一尺一寸二分。悠悠大象運。輪轉
無停際。宗統竟安在。即順理自泰。有心未能

悟。適足纏利害。未若任所遇。逍遙良辰會。仰
眺望天際。俯磐渌水濱。寥朗無厓觀。遇目理
自陳。大矣造化工。萬殊莫不均。羣籟雖參差。
適我無非新。款。

臨陸東之書蘭亭詩。鈴寶一。齊物。六。縱一尺
四寸八分。橫七寸五分。道應寶籙。才合上
仙。授之秘等。餌以珍藥。遂神儀爽。變膚骸纖
妍。脫異俗流。鄙遠塵愛。款。

臨懷素聖母帖。鈴寶二。含和。攜筆流雲藻。七

縱一尺一寸六分。橫九寸六分。大道無形。
生育天地。大道無情。運行日月。大道無名。長
養萬物。吾不知其名。強名曰道。夫道者。有清
有濁。有動有靜。天清地濁。天動地靜。男清女
濁。男動女靜。降本流末。而生萬物。清者濁之
原。動者靜之基。人能常清靜。天地悉皆歸。夫
人神好清。而情撓之。人心好靜。而慾牽之。常

能遣其慾而心自靜澄其心而神自清款

臨柳公權常清靜經鈐寶二虛衷澄照樂意寓
靜觀 八縱九寸二分橫一尺四寸五分 畫

寢乍興輒飢正甚忽蒙簡翰猥賜盤飧當一
葉報秋之初乃韭花逞味之始助其肥羴實
謂珍羞充腹之餘銘肌載切款

臨楊凝式韭花帖鈐寶二心清聞妙香有乎惠
心 九縱一尺五寸一分橫九寸 洛陽雨齋

風塵息。殘星散落天一碧。紅輪忽上海東頭。
仰天笑墮驢兒脊。飄然拂袖入深山。雲霞滿
座青螺鬟。下垂鐵鎖幾千尺。昂首震掉愁躋
攀。世人但見先生睡。那識睡中有真味。飛昇
黃白豈足污。太極先天乃其至。嗚呼先生似
隱非隱。似仙非仙。曾蟠造化學究淵源。先生
去此五百年。典型凜凜青山巔。款

臨黃庭堅詩帖。鈐寶二。雲霞思人情為田。十。

縱一尺六寸三分。橫九寸二分。元日明窓。
焚香西北向吾友。其永懷可知。展文皇大令。
閱不及他書。臨寫數本不成。信真者在前。氣。
餒懣人也。有暇作譖。發一笑于事外。新歲勿。
招口業。佳別有何得。泗戎東下未。已有書至。
彼候之。吾友何不易草體。想便到古人也。蓋。
其體已近古。但少為蔡君謨脚手爾。餘無可。
道也。比稍用意。若得大年千文。必能頽長。愛。

其有偏側之勢。出二王外也。又無索靖真蹟。看其下筆處。月儀不能佳。恐他人為之。只唐人爾。無晉人古氣款。

臨米芾元日吾友二帖。鈴寶三。聊以觀生意。秀色入窓虛。忘機心宇曠。十。縱一尺一寸。橫八寸。其為狀也。散漫交錯。紛縕蕭索。藹藹浮浮。漣漣奕奕。聯翩飛灑。徘徊委積。始緣瓦而冒棟。終開簾而入隙。初便娟于堂廡。末縈

盈于衽席。既因方而成珪。亦遇圓而成璧。盼
隰則萬頃同縞。瞻山則千巖俱白。於是臺如
重璧。達似連璐。庭列瑤階。林挺瓊樹。皓鶴奪
鮮。白鵬失素。紈袖慙冶。玉顏掩嫵。若乃積素
未虧。白日朝鮮。爛兮若燭。龍銜耀照。崑山。爾
其流滴垂冰。緣雷承隅。粲兮若馮夷剖蚌。列
明珠。至夫繽紛繁鶩之貌。皓汗皎潔之儀。迴
散縈積之勢。飛聚凝曜之奇。固展轉而無窮。

羌誰得而備知款

臨趙孟頫書雪賦。鈐寶二。務時敏。清吟寄遐思。

十二縱一尺五寸。橫一尺。錦繡綽旄離

雲爵。乘風懸鐘華。墮樂。豹首落莽兔雙鶴春

草難翹。鳬翁瀟鬱金半見霜白。薤縹緗綠純

阜紫砥。丞栗絹紺緋紅絛。青綺羅縠靡潤鮮

綈絡縑練素帛幘。絳緹絳紬絲絮綿。帋幣囊

索不直錢。服瑣綸幣與繒連。貫貸賣買販肆

便資貨市贏邊幅。全絡紵泉縕裏約纏綸組。
縱綬以高遷。量丈尺寸斤兩銓。取受付予相。
因緣稻黍秣稷粟麻稂餅餌麥飯甘豆羹葵。
韭蔥蓼蜇蘇薑蕪荑鹽豉醢醬漿芸蒜薺芥。
茱萸香老菁藁荷冬日藏梨柿柰桃待露霜。
棗杏瓜棣餠飴餠園菜果蔬助米糧甘藷快。
美奏諸君袍襦表裏曲領裾。襜褕袷複襲袴。
禪禪衣蔽膝布無尊箴屨補袒撻緣循履舄。

皆哀越緞紉。鞞鞞印角褐襪巾。裳韋不借為
牧人。完堅耐事愈比倫款。

臨趙孟頫書急就章第七之十鈴寶二。凡有同
春用筆在心。

鑒藏寶璽石渠寶笈所藏。

御書孝經 一冊

本幅十八對幅。每幅縱八寸八分。橫一尺一寸四分。左金粟牋本。

御筆行書孝經文。每幅一章。

經文不錄

分鈐寶。乾隆御

筆。乾隆几席有餘香。蓄畬經訓。妙意寫清快。大塊假我以文章。已有同春。即事多所欣。經史筭得象外意。茹古含今。摘藻為春。靜中觀造化。衆花勝處松千尺。含味經籍。落紙雲烟。墨雲寓意。

于物含英咀華。執兩用中。游六藝圃。激芳潤。保
秦章志尊仁。垂露用筆在心。研露落花滿地。皆
文章。取益在廣求。烟雲舒卷。清心抒妙理。陶冶
賴詩篇。鼓雲筆端造化。半榻琴書。心清聞妙香。
寫心人情為田。右宣紙本。金廷標設色畫。各章
經意款。臣金廷標奉

勅恭倣馬和之筆法。鈐印一。臣廷標

前副葉

御筆。象闡天經。鈐寶三。德日新。乾隆宸翰。惟精惟一。

鑒藏寶璽。信天主人。古希天子。五福五代堂古稀天子寶。八徵耄念之寶。石渠寶笈所藏。

御臨董其昌書王維桃源行 一冊

本幅素牋本。四幅縱三寸五分橫七寸一分。

行書。王維桃源行。

見乾隆宮中所藏文徵款明桃源行書畫合璧卷

董其昌書王維桃源行御臨鈐寶二乾隆

鑒藏寶璽石渠寶笈所藏

御臨王羲之虞休長素瞻近筇竹杖四帖 一卷

本幅宋牋本縱一尺一寸。橫三尺五寸。旁有釋文草書。

臨王羲之虞休長素瞻近筇竹杖四帖。卿與虞休意書有所問足下旨。為致誠答。令旨意致來勿忘。此意自汝。今以資嚴知。小大疾患。念勞心。長素差否。懸耿。小大佳也。瞻近無緣省告。但悲歎。足下小大悉平安也。云卿當來居。

此喜遲不可言。想必果言告有期耳。亦度卿
當不居京。此既避又節氣佳。是以欣卿來也。
此信自還。具問去夏得足下。邛竹杖皆至。此
士人多有尊老者。皆即分布。令知足下遠惠
之至。鈐寶三。游六藝圃。乾隆宸翰。自彊不息。

引首

御筆。興酣筆陣。鈐寶一。乾隆御筆。

鑒藏寶。璽石渠寶笈所藏。

御臨米芾送王渙之詩帖 一卷

本幅宋粉牋本。縱一尺一寸。橫三尺一寸五分。行書。集英春殿鳴鞘歇。神武天臨光下。激鴻臚初唱第一聲。白面王郎年十八。神武樂育天下造。不使敲枰使傳道。衣錦東南第一州。棘壁湖山雨清照。襄陽野老漁竿客。不愛紛華愛泉石。相逢不約約無違。與握古書同岸幘。淫朋嬖黨初相慕。濯髮洒心求易慮。

翩翩遼鶴雲中侶。土苴虺鵠那一顧。邇來器
業何深至。湛湛具區無底沚。可憐一點終不
易。枉駕殷勤尋漫仕。漫仕平生四方走。多與
英才並肩肘。少有俳辭能罵鬼。老學鴟夷漫
存口。一官聊具三徑資。取舍殊塗莫迴首。

御臨米元章鈴寶三。雲霞思。乾隆御筆。搗藻為
春。

引首

御筆 寄情豪逸 鈐寶一 乾隆御筆

鑒藏寶璽意在筆先清心抒妙理耽書是宿緣石
渠寶笈所藏

御臨董其昌書王維寒食城東即事詩 一卷

本幅蠟牋本。縱一尺一寸。橫一尺七寸五分。
行書。清溪一道穿桃李。演漾綠蒲涵白芷。
谿上人家凡幾家。落花半落東流水。蹴踘屢
過飛鳥背。秋千競出垂楊裏。少年分日作遨
遊。不用清明兼上巳。款

一
臨董其昌書王維詩。鈐寶二。乾隆御筆。惟精惟

引首

御筆 有聲畫禪 鈐寶 一 乾隆御筆

鑒藏寶璽 石渠寶笈所藏

御筆畫疎林遠山一卷

本幅金粟牋本。縱四寸。橫一尺七寸三分水。
墨畫結屋通橋。映帶林岫。并題。

平遠到秋疎林疎山更遠起伏與高下妙偈兼
半滿何須問迂倪家法傳北苑蕭齋俯滄浪伊
誰此肥遯近題香光疎林遠山詩因撫其本
輒復書之。乾隆并識。鈐寶五。清玩朗潤。比德。乾
隆宸翰。筆端造化。

引首

御筆 心契畫禪。 鈐寶一。 乾隆御筆

後幅 臣工恭題

肥橫滄海山。厓列疎疎樹。清氣豁秋光。詩情餘笑訐。畫家工遠勢。

天筆妙領昭。水墨絢無痕。輕烟帶平楚。何必歷武夷。巖壑自千古。臣梁詩正敬題。鈐印二。房詩

正。

蕭散迂翁意。香光證別傳。誰知

化工筆。象外更天然。雲壑暮江地。林開平野烟。此

間難著句。多恐涉言詮。臣汪由敦敬題。鈐印

二。房汪由敦

山分遠近勢。樹含向背情。起伏判深淺。高下

剗陰晴落墨澹無跡妙運如天成
香光會心處

聖筆

起神悟蕭間生道心疎落洽幽趣
冷泠絃外音流水高山遇巨觴宗萬
教題鈴印二臣宗

萬秋氣到深山金風慘澹之一樹
綴葉臨迴眺

欲墮不墮安其危微茫螺髻遠可
識疑是齊

州九點碧

帝胃浩森吞雲夢故納千里歸一
尺臨波龍梅莽

蒼清閨蕭間子華安詳佛壽觀
厥無來長天

青下視藍香光譬如月戶七寶
裝何曾見斧

有吳剛

神技

如此鳥可量臣需間筆歎望洋
臣張若需敬題鈴印二臣需餘事

禿樹蕭蕭淡不枯遙峯隔岸水
平鋪試看一

氣空濛處笑問香光似得無
倘非胸次有邱

望安能筆底生雲烟。騷騷捕捕尋秋思。認得
江鄉九月天。紛紛耳食見何當。不著言詮是

聖由

上乘詩畫禪同歸一律

幾餘

天縱又多能。朵殿
無別好。龍賓十二足清娛。侍臣珥筆叨榮
特許晴牕展畫圖。臣表曰修敬題鈴印二

修

與山前峯隔小溪。霜楓葉落夕陽西。寒泉秋
淨水逾碧。野岸林稀山更低。寓意雲間傳粉
本。濡毫

天上

作新題。寰中無限昇平景。原隰杳杳稻粱
臣陳邦彥敬題鈴印二臣邦彥

疎林淡平野。爽氣浮遙空。孤亭敞虛牖。颯颯

西來風。昔人成一藝。雕鏤日夕窮。

大聖

偶涉筆。迥如造化工。高格起能妙。遠勢開鴻
濛。心神周象外。意趣得環中。周知

至人能不一凡衆同。小臣事塗抹六法想未通仰

窺

天藻

待從臣

萬象豁心臆。臣董邦達敬題鈴印云。日遠

鑒藏寶璽稽古右文之璽石渠寶笈所藏

御筆王如意詩 一軸

本幅金花牋本。縱四尺六寸二分。橫一尺四寸一分。行書。

竹化分真幻。銅函閱古今。清談常在手。樂志每
如心。擊處珊瑚碎。掛來蘿薜深。握君曾得號。禪
德亦留吟。負素標瓊質。指揮延藻襟。休徵願時
若。詎為寶球琳。王如意六韻。御筆。鈐寶二。乾
隆宸翰。意靜妙堪會。

鑒藏寶爾若渠寶笈所藏

御臨王羲之潤懷服食二帖 一軸

本幅金粟牋本。縱三尺三寸五分。橫八寸六分。草書。

臨王羲之潤懷服食二帖。計與足下別廿六年。於今雖時書問。不解潤懷。省足下先後二書。但增歎慨。頃積雪凝寒。五十年中所無。想頃如常。冀來夏秋間。或復得足下問耳。比者悠悠。如何可言。吾服食久。猶為劣劣。大都比之。

年時為復可。可。足下保愛為上。臨書但有惆
悵款。

御筆臨於三希堂鈐寶三。乾隆御書。

鑒藏寶璽石渠寶笈所藏。

御臨智果評書帖 一軸

本幅灑金牋本。縱一尺一寸。橫一尺七寸。行書。王右軍書。字勢雄強。如龍跳天門。虎卧鳳閣。故歷代寶之。永以為訓。蔡邕書。骨氣洞達。奕奕如有神力。程顥平書。如鴻鵠弄翅。顏布置初雲之見。白日蕭思話書。如舞女低腰。仙人嘯樹。李鎮東書。如芙蓉之出水。文彩如鍍金。鍾司徒書。字有十二種意外巧妙絕。

倫多奇。崔子玉書如危峰阻日。孤松單枝。邯鄲淳書。應規入矩。方圓乃成。師宜官書。如鵬翔未息。翩翩而自逝。梁鵠書。如龍威虎震。矞拔弩張。索靖書。如飄風忽舉。鵲鳥乍飛。鍾繇書。如雲鶴遊天。羣鴻戲海。款。

臨智果評書帖。鈐寶二扇。以淳風章志尊仁。

鑒藏寶璽石渠寶笈所藏。

御臨歐陽詢醴泉銘李建中許昌帖合璧

一軸

本幅上下二俱粉牋本。上縱一尺四寸五分
橫一尺四寸楷書。開步城西之陰。躊躇高
閣之下。俯察厥土。微覺有潤。因而以杖導之。
有泉隨而湧出。乃承以石檻。引為一渠。其清
若鏡。味甘如醴。南注丹霄之右。東流度於雙
闕。貫穿青瑣。紫帶紫房。激揚清波。滌蕩瑕穢。
可以導養正性。可以澂瑩心神。鑒映羣形。潤

生萬物同湛恩之不竭將元澤之常流匪惟
乾象之精蓋亦坤靈之寶既可蠲茲沈痼又
將延彼遐齡款

臨歐陽詢醴泉銘鈐寶二鳥飛魚躍不為物先
下縱一尺七寸二分橫一尺四寸八分行書
建中白許昌去潁纔千里之地數月已來
曾不操牘進簡而敘離索蓋酷暑為煩人事
所繫復嵇康懶慢之罪也涼秋氣清思覲君

子。不能得交一談而開胃臆耳希多保愛拙
詩同封呈款。

臨李建中許昌帖。鈐寶二善與人同公聽並觀
鑒藏寶璽石渠寶笈所藏。

御臨李邕法華寺碑 一軸

本幅粉牋本。縱一尺七寸五分。橫二尺六寸五分。行楷書。其峯五連。其溪雙帶。氣象靈勝。林壑虛閑。比興耆閭。營卜蘭若。羞涅槃食。納如來衣。專精法華。永言寶意。感普賢菩薩。為下俚優婆。提狶子於竹筥。寄釋種於蓬室。師以縮屋。未可枕屐。乃移出樹間。延入舍下。及杲日初上。相光忽臨。乘六牙。衛八部。勝幡。

虹引妙樂天迎。翩僊騰雲。遙裔上漢。師想望
太息。沈吟永懷。葉公好龍。已遇真物。羅漢測
佛。未了聖心。象勸持經。嘗難其語。鳥來聽法。
不易其人。矧乃攝以蜂王。吼以獅子。禮謁者
倚其裳袂。讚歎者合其風雷。時太守孟顗以
狀奏聞。因以為寺。則知妙法者。真如之正體。
蓮華者。淨道之假名。是故崇厥經。署於胸。入
無量義。成不住因。至若高僧慧基。邑人陳載。

皆踵武投跡。傳燈襲明。或五柱範堂。或七寶
規殿。立普賢座。追連弗藍。龍王讓池。雁子疏
塔。迦羅衛國。連至雲山。淨明德宮。更開日月。
固足以發慧印。啓元門。入位畢臻。出家偕應。
款。

臨李邕法華寺碑。鈐寶二。書史研求。遵古訓。鏡
清砥平。

鑒藏寶璽。石渠寶笈所藏。

御臨柳公權書蘭亭二詩一軸

本幅粉牋本。縱二尺一寸。橫八寸九分。行書。
臨柳公權書王羲之孫統蘭亭二詩。仰眺望天
際。俯盤淶水濱。寥朗無崖觀。寓物理自陳。大
矣造化功。萬殊莫不均。羣籟雖參差。適我無
非新。地主觀山水。仰尋幽人蹤。迴沿激中逵。
竹柏間修桐。因流轉輕觴。冷風飄落松。時禽
吟長澗。萬籟吹連峰。款。

柳公權書蘭亭詩。御臨鈴寶。二天地一家春。清
供耳目謀。

鑒藏寶璽石渠寶笈所藏。

御臨蔡襄稼村詩帖 一軸

本幅宣紙本。縱一尺五寸。橫一尺。行書。

臨蔡襄稼村詩帖。布穀聲中雨滿籬。催畊不獨野人知。荷鋤莫道春耘早。正是披簑吐犢時。

款

御臨蔡襄書鈐寶二。乾隆宸翰萬國農桑寤寐中。

鑒藏寶璽石渠寶笈所藏。

御臨蘇軾黃柑帖一軸

本幅宣紙本。縱二尺四寸七分。橫九寸六分。
行書。

臨蘇軾黃柑帖。霜餘黃柑當熟。松風石溜嘈嘈。
屋壁間。老人閑適。拄杖一出也。東坡居士軾。
款。

御臨鈐寶三。清心抒妙理。乾隆宸翰。自彊不息。
鑒藏寶璽。石渠寶笈所藏。

御臨黃庭堅鄂州南樓書事詩帖 一軸

〔本幅〕宣紙本。縱五尺二寸。橫二尺五寸。行書。

臨黃庭堅鄂州南樓書事詩帖 四顧山光接水

光凭欄十里芰荷香。清風明月無人管。并作

南來一味涼。款。

御筆仿黃庭堅書。鈐寶二。乾隆宸翰。陶冶性靈。

鑒藏寶璽。石渠寶笈所藏。

御臨米芾元日帖 一軸

本幅側理紙本。縱三尺五寸六分。橫二尺。草書。

臨米芾元日帖。見上朝人書十二種冊款

米芾草書帖。御臨。鈐寶二。所寶惟賢。乾隆御筆。

鑒藏寶璽。石渠寶笈所藏。

御臨米芾拜中岳命詩帖 一軸

本幅宣德牋本。縱四尺。橫二尺。行書。雲水
心常結。風塵面久虛。重尋釣鼃客。初入選仙
圖。鼠雀真官耗。龍蛇與衆俱。却懷閑祿厚。不
敢著潛夫。款。

米芾拜中岳命詩。御臨。鈐寶三。德日新所寶維
賢。乾隆御筆。

鑒藏寶璽石渠寶笈所藏

御筆畫竹石

一軸

本幅宣德牋本。縱三尺二寸五分。橫一尺三寸六分。水墨畫。苔徑立石。修竹兩莖。款

倪高士有此竹法。而無石。仍以其意妃之。三友軒寫。鈐寶四。乾隆意在筆先。摘藻為春。

鑒藏寶璽石渠寶笈所藏

御臨趙孟頫書李白詩一軸

本幅素牋本。縱一尺七寸五分。橫一尺一寸。
行書。

臨趙孟頫書李白詩。朝辭白帝絳雲間。千里江
陵一日還。兩岸猿聲啼不住。扁舟已過萬重
山。款。

臨子昂鈐寶一。乾隆御筆。

鑒藏寶璽石渠寶笈所藏

御筆古松圖

一軸

本幅金粟箋本。縱九寸七分。橫五寸。水墨畫
老松一株。欹

三友軒御筆。鈐寶四。幾暇怡情。乾隆宸翰。几席
有餘香。筆端造化。

鑒藏寶璽。古希天子。八徵耄念。石渠寶笈所藏。

御筆曉起詩一軸

本幅宣德紙本。縱一尺七寸五分。橫一尺。行書。

曉起倚軒楹。雨後氣蕭爽。湖山參靜思。虛庭含
萬象。遊魚唼藻來。鷗鳥衝波往。豈惟淨塵垢。物
物遂長養。萬幾猶未至。九有入遐想。安得胥還
溥。共樂義皇上。曉起舊作御筆。鈐寶二。乾隆
鑒藏寶璽。石渠寶笈所藏。

御筆節臨王羲之蘭亭詩序 一軸

〔本幅〕金粟牋本縱一尺八寸橫九寸行書

臨王羲之蘭亭詩序

起永和九年訖俯察品類之處見乾清宮所藏

御臨董其昌臨王羲之蘭亭詩序款

來青軒御筆鈐寶四見天心乾隆宸翰清心抒
妙理幽風無逸念民依

鑒藏寶璽石渠寶笈所藏

御筆節臨顏真卿書朱巨川告身 一軸

本幅宣德牋本。縱七寸。橫三寸九分。楷書。

臨顏真卿書朱巨川告身。

起朝議郎訖實在斯舉見養心殿所藏顏真

卿本款帖卷。

節顏書朱巨川告身。御臨。鈐寶二。幾暇怡情。乾隆宸翰。

鑒藏寶璽石渠寶笈所藏。

御筆曉涼詩一軸

本幅金粟牋本。縱九寸八分。橫四寸九分。行書。

午熱昨朝劇。心欣利晚農。秋涼今曉峭。人喜適行蹤。山逼風多勁。天高露更濃。本無題句意。頻索妙題逢。曉涼近作。御筆。鈐寶二。漱芳潤。乾隆宸翰。

鑒藏寶璽。古希天子。石渠寶笈所藏。